

Dissertatio Medico-Physica
— 1766. —

D

XVIII

0
18

40455/11
D XVIII. 0
18
bsbd

~~181~~

181

cat 72 390

DISSERTATIO MEDICO-PHYSICA

DE SENSIBUS EXTERNIS SPECIATIM.

Q U A M in Augustissimo Lyceo Medico
Monspeliensi Deo duce, & auspice Dei-
parâ tueri conabitur, Autor CAROLUS-
LUDOVICUS PERREAU DE LA BERDERIE,
è Loco Logefougereuse Diœcesis Rupel-
lensis apud Pictones, Artium Libera-
lium Magister, nec - non jamdudùm
Medicinæ alumnus. Die mensis
Martii anni 1766.

PRO BACCALAUREATUS GRADU CONSEQUENDO.




M O N S P E L I I ,

Apud AUGUSTINUM - FRANCISCUM ROCHARD ,
Regis & Universitatis Medicinæ Typogra-
phum unicum.

M. DCC. LXVI.

Digitized by the Internet Archive
in 2018 with funding from
Wellcome Library

<https://archive.org/details/b30367256>



O P T I M Æ
E T C O L E N D I S S I M Æ
M A T R I M E Æ.

*M*ATER COLENDISSIMA,

Innumera officia quæ à teneris annis in me contulisti , ità me devinxere , ut nihil adhuc fuerit ardentius expetitum , quàm ut tuæ insignis benevolentiaë , hæc prima studii Medici tentamina tibi dicando , auspicia susciperem , & pro tot tantisque beneficiis quantoperè tibi devinctus maneam , hæc tunc profiteri possim.

Oh ! felicem terquaterque felicem me ipsum appellare possum cui tandem optatis-

*simus ille jamdudum illuxit dies , planè ut
cognosceres , quanti te , quanti tua faciam.*

*Post multigenas curas quarum ergà me &
meos Parentes semper impensam fecisti ,
spero fore ut , Mater carissima , cœptis
favere non desinas , & hoc opusculum in
amoris & gratitudinis meæ vectigal serenâ
fronte aspicere digneris. Unum restat optan-
dum ut nempè Deus optimus maximus pro
tantis quibus te ornavit virtutibus , te in
omnium tuorum Filiorum decus & solatium
diù servet incolumem ,*

MATER AMANTISSIMA ,

**Humillimus & obsequentissimus
Servus & Filius ,**

PERREAU DE LA BERDERIE.

*Dabam Monspeli die mensis Martii
anni 1766.*



DISSERTATIO

MEDICO-PHYSICA

DE SENSIBUS EXTERNIS SPECIATIM.



NTEQUAM ad istius dissertationis scopum deveniamus , quid sit sensus & sensatio , scire decet.

Sensus est facultas percipiendi objecta , eorumque qualitates dignoscendi mediantibus corporeis mutationibus.

Sensatio est sensus in actum redactus.

In omni sensatione debet haberi ratio mutationis corporeæ , & animæ perceptionis quæ sequitur hanc mutationem.

Distinguitur sensatio in internam & externam.

Sensatio interna fit , quandò objectum non est actu præsens & agens in organa.

Sensatio verò externa existit , objecto actu præsentem & agente in organa.

Ut exerceatur sensatio quælibet , re-

quiritur ut nervi ad partem tendentes , liberrimi & integerrimi sint in toto tractu , & anima ad mutationem in hâc parte existentem , rectè attendere queat.

Quomodo sese habeat anima in sensationis negotio , & quâ ratione nervi inserviunt sensationi , adhuc ignoratur.

Sensatio externa quintuplex vulgatissimè recensetur , scilicèt tactio , gustatio , olfactio , auditio & visio.

Sensatio autèm interna duplex est , nimirùm imaginatio & memoria quibus accenferi possunt fames & sitis.

Sensationis usus primarius est , ut commoveamur de relatione qualitatum corporum externorum ad nostrum corpus , utque bona à nobis percepta prosequamur , mala verò , quantum licet , fugiamus.

Quandòquidèm de sensu & sensatione omnia perspecta habemus , nunc de sensibus & sensationibus externis nostram thesim constituentibus agendum est , & primò de tactu ordiendum esse duco.

I.

D E T A C T U.

TActus est facultas percipiendi diversas qualitates corporum tactiles , me-

diantibus mutationibus factis in papillis nerveis cutaneis.

Tactio est ipsamet perceptio qualitatum tactilium mediante impressione factâ in papillis nerveis cutaneis diversimodè commotis, quibus innotescunt nobis diversæ corporum qualitates.

Papillæ nerveæ sub cuticulâ latentes, pro genuino tactûs organo habendæ sunt, facilè etiam deprehenduntur in linguâ, labiis, volâ manuum, plantâ pedum, in utriusque sexûs genitalibus, in mammis aliisque partibus exquisitiori sensu donatis; denique quò tenuior est epidermis illas obducens, & istæ papillæ sunt numerosiores ac erectiores, eò sensus est exquisitior; quò verò crassior, durior & magis callosa occurrit, imminuitur & ferè aboletur hæc sensatio.

Pro vario modo quo afficiuntur papillæ nerveæ, variæ oriuntur perceptiones, calidum putà, frigidum, humidum, ficcum, molle, durum, læve, asperum, &c.

Calor & frigus sunt reverà qualitates tactiles, sed ad actualem statum relativæ, quandoquidè sæpè sæpiùs idem subjectum frigoris in homine, & in alio autem caloris sensationem excitat, itaque istas qualitates corporibus non esse inhærentes, sed dun-

taxat nostræ animæ meras affectiones esse credere licet.

Quod tactui cedit, & organum madet, humidum audit.

Si organo minimè inhæreat, illiusque humiditatem removeat ac detergat, ficcum nuncupatur.

Laxius cohærentia sine liquiditate, mollia vocitantur; dura verò quæ ad tactum renitentia observantur, & sic de cæteris qualitatibus.

Tactûs organum habitu & exercitatione ita perfici potest, ut omnium superficierum discrimina quæ visum acutissimum fugiunt, assequi valeat; nemo sanè nescit quamplures esse qui solo tactu colorum differentias indicant, imò & eorum gradus discernunt.

Tactûs sensatio fit dùm papillæ nerveæ cutaneæ, exquisitiùs papillæ nerveæ ad apices digitorum confertim dispositæ, applicantur corporibus duris, mollibus, humidis, ficcis, &c. Impressionesque excitatæ à qualitatibus horumce corporum transmittuntur ad usque originem nervorum in papillas dictas definientium.

An sensatio quælibet externa sit species tactionis, inquirendum restat.

D E G U S T U.

Gustus est facultas percipiendi sapes, mediantibus mutationibus factis in linguæ nervulis.

Gustatio est ipsamet perceptio saporum, mediantibus linguæ nervulis, ista tamen perceptio non fit per singulas linguæ partes indiscriminatim, nam experientiâ *Bellini* constat corpus sapidum in medio & bazi linguæ applicatum, nullum gustum excitare.

Linguam igitur esse genuinum gustus organum nullus dubitat, licet tamen suum symbolum conferant palatum & viciniore partes quæ illius sensationis haud omnino expertes esse videntur. Legitur in *Ephemeridibus Germaniæ* historia pueri elinguis qui omnia saporum genera rectè discernebat.

Lingua præter musculos qui ejus bazi inferuntur, è multiplici fibrarum carnearum contextam se præbet, quarum motione varias motiones edit, nimirum panditur & explicatur, constringitur & colligitur, atque in omnem sensum flectitur.

E dorso, lateribus & apice linguæ ex

furgunt multiformes papillæ nerveæ , quas excipit & sustinet suis foraminibus corpus reticulare. Membrana demùm exterior totidem scrobiculis hos processus nerveos admittit , illosque obtegit & defendit à nimia vellicatione , quam asperitas , acredo , calor , &c. assumptorum excitaret.

An nervi noni & quinti paris ad linguam distributi , diversis usibus inferviant , ita ut alii gustûs , alii tactûs & motûs sint organa , ignoratur?

Ad gustum promovendum , requiritur ut corpora sapida linguæ admoveantur , prædictæque papillæ titillentur & feriantur.

Hoc munus jure tribuitur spiculis salinis , quæ ob innatam rigiditatem , apices nerveos ferire valent.

Hæc corpora salina salivâ aut convenienti liquido dissolvi debent , ut suum effectum exerant.

Pro variâ eorum figurâ , motu & cùm aliis materiis permistione quibus diversimodè demulcentur , titillantur , vellcantur , punguntur papillæ nerveæ linguales , innumeræ emergunt saporum gratiorum aut averforum differentia ; hinc dulce , austerum , acidum , acre , falsum , amarum , &c.

Particulæ sapidæ salino oleosæ , salivâ

solutæ, trans vaginulas epitheliæ producti-
nibus formatas, feruntur ad papillas ner-
veas linguæ, circà hujus apicem & latera,
corpori mucoso superextantes, plùs mi-
nùsve erectas, tensasque pro varietate
circumstantiarum; diversimodè modifi-
cantur illæ papillæ particulis sapidis di-
versis, hinc varios sapes animæ exhibet
gustatio.

Haud similem enim sensationem movent
eadem sapida in omnibus subjectis, quòd
à peculiari organi fabricâ, à consuetudine,
ætate, sexu, morbo, &c. peti debet:
præterea neminem propriâ experienciâ
edoctum latet gustûs sensationem vario
modo se habere respectu salivæ indolis
& copiæ quibus viget, languet, deficit
vel inquinatur.

I I I.

D E O L F A C T U.

OLfactus est facultas percipiendarum
qualitatum corporum odorantium
mediantibus mutationibus factis in nervis
membranæ pituitariæ.

Olfactio est perceptio ipsamet odorum,
&c.

Nasus illius sensationis organum, septo quodam osseo bifariam dividitur, in nares scilicet, quæ inferius cartilagineæ & mobiles, peculiaribus musculis dilatantur & constringuntur.

In partem narium superiorem hiant sinus frontales sub superciliis fiti, in posticam sinus in osse sphenoido insculpti; sinus verò maxillares juxta latera, in earum cava aperiuntur.

Posteriorem narium partem occupant quatuor ossa latioribus, tenuioribus & quasi papyraceis lamellis conflata, quæ ratione modi quo turbinum instar convolvuntur, ossa turbinata nuncupantur; præter has cavernulas aliæ occurrunt specus labyrinthæ in osse ethmoideo insculptæ, quæ cum prædictis cavitatibus communicant.

Hos omnes anfractuosos sinus obducit & investit membrana quædam mollis, pulpofa, innumeris vasis sanguiferis utriusque generis instructa, quæ ob mucosam pituitam quâ madet, pituitaria dicitur.

Huic prospicit primum par nervorum, olfactorium dictum, quod ex parte anteriori & inferiori corporum striatorum oritur, dein in varia filula divisum, per foramina laminæ cribiformis ossis ethmoidei

moidei, antrorsum properans ad nares, ubi in membranam pituitariam expanditur, quæ primarium & immediatum odoratus constituit organum: miasinata siquidem, seu effluvia tenuia, volatilia, salivo oleosa, ex corporibus odoriferis emanantia, per aërem volitantia, unà cum ipso per nares patulas inspirando attracta, & ex lato in angustum deducta, in pituitariam membranam, quâ tenues narium lamellæ undequaque investuntur, magis vel minus fortiter impetunt, molles & pulposas primi paris fibrillas, quibus contextitur, gratâ vel ingrâtâ titillatione afficiunt; unde varia odorum natura, suaves nempe vel ingrati, fragrantés vel gravè olentes, &c.

An particulæ corporum odoriferæ massam sanguineam subeant & nutritioni inserviant; res scitu ardua?

I V.

D E A U D I T U.

A Uditus est facultas percipiendi sonos, mediante integræ auris apparatu.

Soni perceptio, auditio dicitur.

Aurem esse hujus sensationis organum, nemo ignorat.

Dividitur auris in externam, mediam & internam.

Auris externa in utroque latere capitis prominens, oculis patet sine dissectione, & comprehendit auriculam, meatum auditorium ac membranam tympani.

Auricula supra os temporale sita, subdividitur in pinnam nimirum & lobulum.

Pinna variis gaudet eminentiis & cavitatibus, eminentiæ helicis, anthelicis, tragi, antitrangi titulis innotescunt; cavitates ejus sunt, cavitas innominata, fovea scaphoidea & concha seu magna cavitas sub anthelica sita.

A cartilagine peculiari efformatur, cui annectuntur omnes aliæ partes ex quibus componitur, scilicet ligamenta, muscoli, tegumenta, &c. præterea innumeris glandulis sebaceis, arteriis, venis, nervisque prædita est. Per lobulum intelligitur hæc pars inferior, mollis, pendula & mobilis. Usus auriculæ est reflectere sonum versum tragum & antitragum, eum versum meatum auditorium denuò repercutientes.

Meatus auditorius est tubus cylindrico-ellipticus, partim osseus, partim cartilagineus, perioftio, perichondrio, cuti & epidermide obductus, & oblique usque ad membranam tympani extensus.

In ejus parte anteriori reperiuntur plurimæ glandulæ , è quibus exudat succus luteus , dilutus , amaricans , qui stagnando sensim inspissatur , & ceruminis nomine , in hoc meatu colligitur.

Ex ejus involucris oriuntur innumeri pili, anticè sita , quorum usus est remove levia corpora, quæ meatum lædere possent.

In fundo meatûs auditorii se præbet membrana tympani , ficca & pellucida , obliquè sita , vix angulum efficiens cùm superiori meatûs parte , acutissimum verò formans cùm inferiori.

Hæc membrana non est plana , ut nonnulli autumarunt , sed versûs meatum concava.

Triplici lamellâ componitur. Prima est expansio involucrorum meatûs auditorii. Secunda seu mediâ dicitur cellulosa. Tertia tandèm producitur à membranulâ tympani cavitatem intûs succingente.

Usus membranæ tympani , est efficere impressionem soni vividiorē , retinendo aërem , eumque fixum magisque elasticum remittendo.

AURIS MEDIA comprehendit cavitatem tympani quatuorque officula.

Cavitas tympani tenui membranâ , è perioftio oriundâ , obducitur , & variis eminentiis exasperatur.

Eminentia numero quatuor, sunt rostrum cochlearis anticè situm & eminentia transversalis; tuberositas inter duas fenestras posita & apophisis pyramideos intus excavata. Bini in hac cavitate patent meatus liberi & totidem fenestræ seu foramina quæ peculiaribus membranis clauduntur; duo etiam illis & meritò quidè accensentur, orificium scilicèt cellularum mastoidearum & foraminulum pyramidis.

Primus meatus nempè anterior, est ductus in principio osseus, demùm cartilagineo-membranaceus, qui ad imas fauces pergens, ex angusto in latum protenditur, & tuba eustachiana dicitur. Illius ductus beneficio, aërem intrà cavitatem tympani inclusum, aëre externo, naribus vel ore hausto, renovari evidens est. Eadem ratione radii sonori ore admissi, aurem internam ferire valent.

Alter meatus seu canalis semi-osseus, cujus rostrum cochlearis est extremitas, in parte tubæ eustachianæ superiori immediatè observatur, & intrà scabrosam ossis petrosi apophisin paululùm latet.

Fenestra rotunda ovali minor, infrà tuberositatem prædictam posita, inferiorem cochleæ scalam prospicit.

Fenestra ovalis, suprà tuberositatem

immediatè sita , vestibulo respondet , mediante membranulâ ipsimet propriâ.

Orificium cellularum mastoidearum in parte posticâ tympani observatur ; cellulæ autèm mastoideæ , nihil aliud sunt , quàm irregulares & anfractuosi sinus in apophisi mastoideâ insculpti.

Foraminulum pyramidis , est orificium cavitatis , ejudem finûs nomine commodè indigitandæ.

Præter eminentias & foramina in tympani cavitate reperta , quatuor in eâ reconduntur officula , malleus , nempè , incus , os lenticulare & stapes. Hæc concatenantur & variis ligamentis membraneis, vicinioribus partibus adhærent.

Mallei manubrium membranæ tympani applicatur & firmiter hæret ; caput verò bazi incudis annectitur. Bina habet crura incus, quorum brevius fundo cavitatis tympani implantatur , mediante ligamento capsulari , alterum verò longius circà extremum incurvatur , & stapedis capiti jungitur mediante osse lenticulari ; stapedis basis fenestræ ovalis membranulæ infigitur.

Tribus , juxtâ *Valsavam* , peculiaribus musculis gaudet malleus.

Prior seu externus oritur ventre brevi à superiori margine meatûs auditorii , dein

tendine exiguo pergit suprâ membranæ tympani partem superiorem in tympani cavitatem & in crassio rem mallei processum inferitur, cujus manubrium foris trahendo, tympani membranam laxat.

Secundus dicitur obliquus five semicircularis; situs est in externâ & osseâ parte ductus Eustachii; undè per canalem paulò fursùm & retrorsùm progrediendo, inferitur mallei longissimo processui, tympanique membranam tendere potest.

Tertius tandèm seu internus, ex parte cartilagineâ, ubi pars ossea ductus Eustachii terminatur, ortus, dein contentus in canale semi-osseo excurrente lateraliter ad superiora meatûs Eustachiani, eum deferens tendine suo emergente propè ovalem fenestram, quasi per trochleam ad malleum reflexo, cujus parti posteriori inferitur sub infertione musculi externi mallei, ope hujus musculi contracti trahitur malleus & membrana tympani versùs os petrosum; tenditur, concava redditur, membrana.

Suo etiam peculiari musculo donatur stapes, qui tubo osseo semicirculari inclusus, exili tendine antrorsùm vergente, illus officuli capiti inferitur, stapedemque elevat.

Auris interna vel labyrinthus , in osse petroso reconditus , tres partes complectitur cochleam nimirum , vestibulum & canales semicirculares.

Cochlea partem superiorem & anteriorem occupat , & nil aliud est quàm ductus osseus , in spiram contortus , horisontaliter situs , qui è bazi latâ in acumen definendo , veram cochleam exprimit.

Laminâ spirali , osseo membranaceâ , in binas scalas dividitur hic canalis , quarum superior & brevior in vestibulum ostio peculiari definit , inferior verò & longior quæ est etiam magis ampla , foramine dicto *Fenestra rotunda* in cavitatem tympani penetrat , ope membranulæ.

Vestibulum est cavitas irregularis , inter cochleam & canales semicirculares sita , in quâ speciatim patent septem orificia , quorum quinque ad canales semicirculares spectant , aliud ad fenestram ovalem , ultimum tandèm ad superiorem cochleæ scalam pertinet.

Canales semicirculares , posticè siti , numero tres , distinguuntur in verticalem superiorem , verticalem posteriorem seu obliquum , & demùm horisontalem. Hiant in vestibulum quinque aperturis , licèt unusquisque binas possideat , ast canalis

superior cùm posteriori aperturam communem habent.

Præter omnia à nobis assignata , auditus organum innumeris arteriis & venis à temporali , carotide internâ , vertebrali , stylo - mastoideâ quandòque ortum ducentibus , stipatur ; vasa autèm ista nihil peculiare obtinent ; quod præsertim nobis observandum est , ad nervos attinet , ex nervis colli vertebralibus oriuntur ; sed principalis dicitur acousticus seu auditorius , ex parte laterali protuberantiæ annularis & processus olivaris , ortus ; dividitur in portionem duram & in portionem mollem.

Prior per aquæ ductum Fallopii viam sibi faciens , plures dimittit ramos , quorum unus versùs anteriora reflectitur , & ex osse petroso egressus , per crassam meningem disseminatur ; alius cùm ramo quinti paris junctus , chordam tympani constituit , reliqua tandèm pars in aurem externam , parotides , partesque vicinas dispergitur.

Posterior seu portio mollis , per foramen ossis petrosi in aurem internam pènètrat , & in tres ramos divisus , per varia foraminula ad cochleam totus tendit , ubi in tenuissimam membranam desinit , quâ semicirculares labyrinthi ductus , fenestræ
interius

interiùs ità obvestiuntur , ut sine dilaceratione ab ipsis separari possit.

Hæc tenuissima membrana primarium & immediatum auditûs constituit organum ; radii siquidè sonori , sive exiles aëris columnæ , à sonoris corporibus concussis vel succussis vibratæ , in concham collectæ , meatu auditorio introductæ , tympani membranam quatiunt premuntque atque propellunt ; dein intermediâ quatuor ossiculorum catenâ , aërem labyrinthi vibrant , vel ipsa stamina nervea per cochleam & canales semicirculares distributa , diversimodè premunt , quatiunt & agitant , undè varia est multiplex sonorum perceptio quos non paucos esse , tùm vocalis , tùm instrumentalis musica docet : *nunc quid sit sonus , quærendum est.*

Sonus est motus vibratorius partium insensibilium corporis sonori.

Propagatio soni fit per undulationes , successivè usque ad aurem pervenientes , & suâ propriâ elasticitate in pristinum statum redeunt. Media per quæ transmittitur sonus , sunt aër , mercurius , omniaque fluida , &c. solus tamen aër nobis eum perfectiùs transmittere videtur , nam per alia media maximè debilitatur.

Duplex distinguitur sonus , fortis scilicèt

& debilis. Fortis ille est cujus vibrationes sunt , dato tempore , ampliores. Debilis autem cujus sunt breviores.

Mensuratur soni velocitas , nam experiëntiâ constat quòd intrà minutum secundum mille & centum pedes circiter percurrat sonus. Notandum est quòd , dato tempore , eandem distantiam percurrat sonus , five vibrationes sint amplæ five non , adversante tamen vento , non tam extenditur.

Duplex est iterum sonus , directus & reflexus.

Directus ille est qui è corpore sonoro emissus , per lineam rectam ad aurem pervenit.

Reflexus autem audit ille , qui è corpore sonoro ad corpus elasticum , à quo repulsus , ad aures nostras refertur.

Potest haberi ratio plurium sonorum cæteris paribus , nam facile concipitur quòd viginti vibrationes dare possit corpus , & aliud decem in eodem tempore. Hæc autem ratio vocatur tonus.

Tonus duplex est gravis nempe & acutus.

Acutus ille est qui intrà idem tempus numerosiores dat vibrationes.

Gravis verò qui , eodem tempore dato , pauciores gerit.

Ad acutum requiritur gracilitas , bre-
vitas & tensio.

Ad gravem verò crassities , longitudo
& laxitas , sicuti videre est in chordis
musicis.

Sunt ad unisonum chordæ , si intrà
datum tempus, eundem vibrationum dent
numerum.

Plures chordæ ad unisonum tensæ vi-
brantur, licèt duntaxat una ex illis per-
cutiatur.

Quomodò fit ut toni plures , eodem
temporis momento, distinctè percipiantur?
An ad explicandum hoc phænomenum
sufficit hypothesis diversæ longitudinis
staminum nerveorum circà laminam cochleæ
spiralem distributorum? An canalis Eusta-
chianus concurrat ad auditionem? Rem ità
demonstrant *Valsavianæ* demonstrationes.

Varietas tonorum , ut probabile est ,
pendet à majori vel minori densitate ,
longitudine chordarum , structurâ igitur
coniformi cochleæ , varios tonos existere
debere judicamus , pariter ut chordis ad
unisonum tensis , motâ unâ , movetur alia ,
sic omnibus cochleæ nervis ad unisonum
tensis & vibratis , plures tonos eodem
instanti comprehendere possumus.

Nunc ex antea dictis dilucidè patet cur

auditus acuitur manu cavâ auriculæ applicatâ versûs sonorum ; nam , ut jam dixi , sonus à radiis sonoris vibratis efformatur , quò igitur numerosiores sunt radii , eò fortior debet esse sonus , consequenter ampliando cavitatem auris istorumque radiorum majori collectione , fortiolem sonum percipere debemus.

Cur & etiam intenditur auditus , si planum auris sonoro obvertatur ad obliquitatem graduum quadraginta quinque ?

Sonus enim reflexus directo debilior certè est , ergò si vibrationes reflexæ non sunt sat amplæ ut papillas nerveas irritent , eas directas efficere conamur , aëri percusso aurem directè opponendo.

Ore diducto pendulâque maxillâ inferiori fit clarior auditus.

Quia per tubas Eustachianas ad aurem internam transvehi potest sonus , multiplicando igitur radios sonoros , sonum clariorem fortiolemque percipere necesse est.

Flanti , oscitanti , acutè loquenti carentive , cur in aure bombus & hebetior auditus ?

Quòd aër è vesiculis pulmonalibus emissus , tubas Eustachianas subiens , turbat vibrationes aëris externi.

Surdi stridulum corpus dentibus tenentes, ejus stridorem percipiunt; quia dentes commoti & vibrati omnibus capitis partibus suum motum communicant.

Surdi quandoquē benē audiunt voces ori immissas.

Quòd, ut jam dixi, per tubas Eustachianas ad aurem internam transmitti potest aër in os immissus.

Durior & debilior fit auditus, quandò hiatus tubæ Eustachianæ est obstructus, hoc evenit quod tunc per illum canalem aër transvehi non potest.

Rudior & minus perfectus etiam supervenit à membranâ tympani ruptâ; quia si hæc pars destruatur, vibrationes malleo incudi aliisque auris partibus communicari non valebunt; reverà tympanum non audit, sed meliori tutiorique auditioni confert; denique scire interest quâ viâ fumos ore haustos nonnulli auribus emittunt.

Multi volunt existentiam foraminis membranæ tympani, id est foramen Rivinianum, alii negant.

Quisque hoc foramine erit præditus, non certè mirandum est cur fumus in ore contentus exeat.

Quidam tamen existentiam hujusce fo-

raminuli probare conantes, quodam medio fumum externè usque ad auriculam conducebant, sed de hâc fallaciâ tractavit *D. Morand.*

His de auris structurâ, sono, & mechanismo auditûs prænotatis, de visu dicemus; sit itaque.

V.

DE VISU.

SUpereſt ut poſtremò agamus de viſu, ſuaviſſimo hoc ſenſu, quo lucis beneficio comtemplari ſapientiſſima & ſtupenda ſupremi numinis opera licet, quorum intuitus mentem humanam ad ſublimiora rapit.

Viſus eſt facultas percipiendorum ob-
jectorum mediante totius oculi apparatu.

Viſio eſt ipſemet ſenſus in actum redactus.

Ad tria capita reduci poſſunt quæ ad viſum ſpectant nempe ad anatomem oculi, explicationem luminis & ejus actionem in oculo.

CAPUT PRIMUM

DE ANATOMIE OCULI,

ET I^o.

*De partibus visui inservientibus, non verò
oculum constituentibus.*

OCulus præstantissimum visus organum, in orbita cùm suis musculis aliisque partibus quibus obvolvitur fitus est.

Orbita est cavitas septem ossibus efformata, multâ adipe referta ut oculus in variis suis motibus juxtâ ossa lædi nequeat.

Superior orbitæ margo crassiori involucri majorique adipis copiâ est obtectus; hinc oriuntur pili arcuatim dispositi, superciliorum nomine insigniti, quorum usus est remove sudorem aliaque è fronte decidentia repellere.

Oculus binis palpebris tegitur quarum superior summè mobilis claudendo & detergendo oculo præcipuè inservit; inferior verò nullo vel obscuro motu donatur.

Earum concursu seu unione efformantur anguli five canthi duo quorum interior major, exterior minor vocatur.

Suis musculis instruitur superior palpebra, recto nempe vel interno, orbiculari vel externo; primus è fundo orbitæ, è membranâ scilicet, quæ hanc cavitatem osseam obvestit, oriundus, definit lato tendine in arcuatam cartilaginem quam atollit; alter externus, in orbem expanditur, utramque ambit palpebram & claudit.

Cartilagineo palpebrarum margini implantantur pili, qui ad varia arcenda quæ in oculos inciderent, radiorumque luminis moderationem, haud inutilem operam præstant, dicuntur cilia, ad quorum radicem reperiuntur innumeræ glandulæ sebaceæ à *Meibomio* detectæ, humorem oleosum & viscosum secernentes ad cartilaginum flexibilitatem destinatum & pro attritu palpebrarum impediendo: cum humor iste spissior & copiosior evadit ut in dormientibus v. g. lippitudinem efformat apud senes recensque natos frequentiore.

In angulo majori observatur caruncula lachrimalis, rubicunda, in quâ subindè glandulæ & pili conspiciuntur itèmq; membrana semilunaris, rubicunda, pro lachrimis in puncta lachrimalia dirigendis: puncta lachrimalia, numero sunt duo,
in

in angulo majori , ad tarforum fines fita , & definentia in faccum lachrimalem.

Inter orbitam & angulum externum fita est glandula lachrimalis , quæ vasorum hygrophthalmicorum beneficio , effundit intrâ oculi bulbum & palpebram superiorem , humorem tenuem & limpidum , cujus proventu detergitur ac lubricatur oculi pars conspicua , favente palpebrarum nictitatione , luxque fortior moderatur.

Suis etiam gaudet musculis oculi globus , qui ob varium quem obtinent fitum & determinatam actionem , in quatuor rectos & duos obliquos dividuntur : priores è fundo orbitæ , vel è membranâ ipsam succingente , non verò ex ambitu nervi optici , uti nonnulli autumarunt , ortum ducunt , & lato tendine tunicæ scleroticæ parti anteriori in modum circuli inferuntur.

Superior oculum atollit , inferior ex adverfo fitus , illum deprimit : ad alterutrum verò latus ducitur duobus reliquis

Superfunt obliqui , quorum superior ex imâ orbitâ versûs atollentem nascitur ; à rectâ lineâ paululùm deflectit & transgreditur tendine exiguo annulum cartilagineum in orbitæ angulo interno fitum , trochleæ vices gerentem , è quo quasi re-

trogrediendo , superiori bulbi oculi parti inferitur ; obliquus magnus dicitur , cujus ope , oculus quasi in gyrum volvitur.

Obliquus verò minor originem mutuatur à parte anteriori & inferiori orbitæ juxtà angulum internum & infrà musculum abducentem bulbo inferitur , quem in contrarium motum trahit. Sex istorum musculorum aponevroticâ expansione efformatur albuginea.

Oculi globus variis partibus conflatur tunicis nempè diversæ naturæ & substantiis pellucidis variæ consistentiæ.

Præter tunicas proprias quibus oculi bulbus obvestitur , alia occurrit ipsimet oculo & palpebris communis , quæ scilicet anteriorem organi partem obtegit & in interiores palpebras reflectitur , conjunctiva dicitur , eo quòd bulbo oculi & palpebris simul adnascatur.

An ejus ortus ritè cognoscatur , in obscuro latet , attamen epidermidis productio esse videtur , ut in omnibus reptilibus , sese hâc epidermide spoliantibus , observare est.



CAPUT SECUNDUM

D E

Tunicis oculi propriis oculum verè constituentibus.

PRima oculi tunica sclerotis dicitur ; est solidum involucrum quo cæteræ partes coërcentur ; in corneam antrorsùm abit quæ lævis est perpolita , ratione pelluciditatis & soliditatis sic nuncupata , extrà sphæram prominet , & in partem posteriorem duram , opacam , scleroticam propriè dictam , à corneâ ad nervum opticum extensam , in quâ posterius aquæ-ductus *Nukii* conspiciuntur qui verè ipsa vasa sanguifera sunt oculorum. Corneam opacam succingit choroidea in duas lamellas divisa , quarum interior , *Ruifschiana* nuncupatur. Utraque vasculis distinctis est repletissima.

Uvea quæ pars est anterior choroideæ , definit in foramen rotundum unius aut alterius lineæ diametros , pupillam dictum , quod ob varios usus dilatari & constringi potest , mediante fibrillarum contractilium orbicularium , radiatimque dispositarum motu.

Hæc uveæ variegata pars, quæ per corneam conspicitur, iris vocatur, tota vasculosa ab *Hovio* fuit reperta, varii coloris est, undè varii illi oculorum colores in homine.

Facies posterior uveæ aterrimo pigmento donatur.

Lamella exterior choroideæ definit in plexum quarundam fibrarum, ciliarem nuncupatum, è quo prodeunt furculi exigui qui lamellam internam trajiciendo radiatim inferuntur lentis crystallinæ margini, sub processuum ciliarium nomine. Observandus est circulus arteriosus & venosus sub hoc, ex quibus vascula à *Ruifchio* detecta per uveam, ligamentum ciliare, humorem vitreum & crystallinum mirabiliter distribuuntur.

Observantur & etiam ductus nigri, recti, inter processus & ligamentum ciliare sit.

Spatium inter choroideam & sclerotidem repertum, camera anterior dicitur, illud verò choroideam inter & lentem crystallinam, camera posterior vocitatur.

Uveæ intus succumbit tertia tandè oculi tunica, quæ retina appellatur. Retina autè ex ipsâmet substantiâ medullari nervi optici prodit: hæc membrana pul-

posissima & albicans non solum oculi fundum occupat, sed & etiam ad processus ciliares extenditur.

Præcipuum & immediatum est visus organum. Illud notatu dignum occurrit, quod nervus opticus non subit oculi globum in illa parte ad quam tendit axis opticus; sed ab illo puncto paululum recedit versus scilicet angulum internum.

Tres etiam in oculo reperiuntur humores pellucidi, expansioni tunicarum & radiorum refractioni inservientes.

Prior dicitur humor aqueus qui quandoque effusus, sponte & citò reparatur; utramque oculi cameram occupat.

Secundus vitreus nuncupatur, partem posteriorem oculi replet; est substantia vitro fuso similis, splendide pellucens, vix fluens, tenuissimâ membranâ, ab arachnoideâ, ut volunt, oriundâ, obducitur, e quâ prodeunt innumeri processus, qui diversimodè intertexti, efformant alveolos prædictâ substantiâ probabiliter turgentes: ejus pars anterior paululum excavata, lentem crystallinam excipit & fulcit.

Tertius tandem humor oculi, est crystallinus reliquis solidior, lentis formam referens, in vitrei foveâ, mediante tunicâ tenuissimâ, inclusus, à ligamento ciliari

vitreum inter & aqueum humorem , mox post pupillam liberè quasi suspensus , ejusque ope , mobilis est : variis segmentis pellucidis , vasculosis , solidisque conflari creditur.

Præter tunicas & humores quibus præcipuè conflatur oculi globus , plurima vasa sanguifera nec non lymphatica per internas ejus partes mirabiliter distribuuntur.

Arteriæ à carotidibus tùm internis tùm externis provenientes , multis in locis oculum fubeunt , postremò tenuissimæ fiunt & lympham minutissimam vehunt quâ tunicæ & humores nutriuntur.

Venæ verò , partim ad sinus duræ matris , partim ad jugulares venas sanguinem revehunt.

Quàm plurimi sunt etiàm nervi ad oculum tendentes. 1^o. Opticus è cruribus medullæ oblongatæ prodiens , per posteriorem orbitæ partem , in oculi bulbum viam sibi faciens , ubi in tunicam retinam dictam expanditur , quæ primarium & immediatum visus organum constituit.

Luminosi siquidè radii , subtiles ac pènètrantissimi , è lucidis corporibus emissi , vel è coloratis reflexi , per pupillam intrà oculum admissi , humoribusque aqueo , crySTALLINO & vitreo successivè refracti ,

singuli quo ordine è singulis objecti visibilis punctis refiliunt , in singula retinæ puncta convergentes coëunt , motuque quo urgentur , obvias nervi optici fibrillas , molles & pulpofas , quibus retina tota constat , variè afficiunt ; undè luminis sensus , variæque colorum species , ut videbimus posteà.

2^o. Par cerebri tertium , quartum , ramus quinti & sexti paris per musculos , membranas , palpebras , glandulam & saccum lachrymalem distribuuntur.

Hæc sunt quæ de oculi fabricâ breviter exponenda erant , nunc superest ut illius usum perquiramus , qui ut dilucidius pateat nonnulla de lumine & ejus actione in oculo , sunt præmittenda.

CAPUT TERTIUM

De lumine & ejus actione in oculo.

VIsus objectum sunt lumen & colores.

Lumen , juxtà *Neutonium* , physicè sumptum , est aggregatum septem colorum rubri nempe , aurantii , flavi , viridis , cærulei , purpurei & violacei.

Omnes isti colores dicuntur primitivi

quà nullam per prisma mutationem patiuntur.

Tria sunt corpora per quæ ad nos transmittit potest lumen, lucida scilicet, pellucida seu diaphana, & opaca.

Corpora lucida per se immittunt lumen, diaphana autem ad nos illud transmittunt illibatum, per opaca denique reflectitur.

Celeritas luminis omnem vim sensus superat, quandoquidem plures intra septem minuta secunda, leucarum milliones percurrit.

Lumen tantâ tenuitate pollet, ut non solum vitra, sed & etiam gemmas, adamantes, corpora solidissima & densissima, nullo obice, trajiciat.

Propagatur directè, quod sic probatur.

In camerâ obscurâ reperiantur duntaxat duo foraminula, sibimetipsis accuratè correspondentia; scilicet unum ad fenestram, aliud verò ad januam; videtur radius solis, subiens foraminulum fenestræ, dein per aperturam in portâ fabricatam directè egrediens sine cameræ illuminatione.

Medium inter corpus lucidum & oculum nostrum, duplex est, nimirum homogeneous & heterogeneous.

Homogeneous dicitur, quando sibi simile

simile est in omnibus suis partibus. Heterogeneum autem nuncupatur, quando sibi dissimile est.

Radii è corpore lucido prodeuntes, vel ab objectis visibilibus reflexi, in corneam illapsi, eâ excipiuntur, ut ad retinam transmissi rerum imagines inibi delineent & pingant.

Ex physicis scitur luminis radios pellucida seu diaphana obliquè trajiciendo, incurvari, & à lineâ rectâ deflectere; inclinatio hæc *refractio* vocatur.

Duplex autem est refractio, una scilicet ad perpendicularem accedens, altera verò à perpendiculari recedens.

Illa quæ peragitur de medio rariori in densius, semper ad perpendicularem accedit; illa autem quæ peragitur de medio densiori in rarius, semper à perpendiculari recedit.

Ab omnibus objecti punctis prodeunt radii plurimi, à centro ad peripheriam progredientes, quorum unus duntaxat perpendicularis, è medio præcisè prodiens, subeundo lentem vitream, non patitur refractionem; itaque radius iste vocatur irrefractus seu principalis. Alii radii sunt omnes obliqui & duplicem patiuntur refractionem, aliam nimirum in quâ ad

perpendicularem accedunt , alteram verò in quâ à perpendiculari recedunt.

Per lentem intromissi , adeunt focus qui nihil aliud est quam punctum radii irrefracti in quod concurrunt radii obliqui.

Quandò proximior est lens , longior fit focus , quandò convexior , proprior ; quandò denfior , minùs removetur focus.

Ut objecta secundùm axim opticum videre nostrum est ; cognitio axis optici habenda est.

Axis opticus seu visorius est radius principalis emissus à puncto visibili posito è regione centri pupillæ , humorem aqueum , lentem chrySTALLINAM , corpus vitreum absque refractione pènètrans , & in uno duntaxat puncto centrum retinæ feriens.

Concurfus duarum linearum ab extremitatibus objecti visibilis prodeuntium efformat angulum visorium centrum pupillæ directè subeuntem.

Angulus iste major est , quandò propius , minor verò , quandò remotius est objectum.

Materiale visionis consistit in pictura imagunculæ objecto simillimæ.

Lenticulari vitro omninò similis est oculus , qua propter radii hunc permeantes obliquè , pluribus deviantur refractionibus ,

quarum ea est dispositio, ut ad retinam cum perpendiculari jungantur conus itaque duplex, alter exterior ab objecto ad oculum, interior alter à superficie oculi ad retinam: si focus luminis præcisè fit ad retinam, distinctior erit visus; radii luminis oculum pènètrantes, mutuò se decussant, & punctum dextrum in sinistrâ oculi parte, punctum verò sinistrum in dextrâ pingitur.

Objectum accuratè & evidenter repræsentari nequit, nisi pœnicilli optici apex præcisè retinam attingat, aliundè visus erit confusior; nimia objecti proximitas propter divergentiam, nimia distantia ob convergentiam radiorum, vim visus debilitant: si brevior fit pœnicillus opticus, approximentur objecta, si longior, removeantur necesse est.

Visio fit quadruplici modo, distinctè scilicèt & confusè, clarè & obscurè.

Visio distincta ea est, in quâ nitidè varia objectorum puncta in retinâ depicta à se invicèm distinguntur?

Confusa autèm est ea in quâ non tam nitidè à se invicèm distinguntur.

Visio clara ea est quæ fit multa lucè.

Obscura verò quæ minori luce stipatur. Quæritur hìc cur objecta in suo situ na-

turali videmus, licèt tamen à finistris ad dextram oculi partem se offerant & vice versâ, vel quandò effectivè depicta sint inversa.

Hoc fit quia referimus impressionem puncto è quo emittuntur radii partis corporis visibilis.

Ex antea dictis facilè explicari possunt omnia phœnomena in visu observanda, cur v. g. ii qui gaudent oculis convexioribus, non distinguant objecta nisi proxima; propterea quòd vocantur myopes: cur è contrà ii qui oculos habent planiores, non distinguant nisi remota, & videant confusè proximiora: nuncupantur præsbitæ.

Hæc vitia oriuntur in myopibus, quia radii uniuntur, antequàm retinam attigerint; & in præsbitis, quòd uniuntur in punctâ retinâ remotiori. Hæc duo incommoda curantur vitris concavis radiorum collectionem retardantibus, & vitris convexis, cùm hæc radiorum reunio acceleranda est.

patet etiam ex præhabitis, cur primis instantibus, cùm transimus subitò de multa luce in obscuriorem, & vice versâ, dolorem minimum sentiamus.

Id omne pendet à nimia dilatatione

aut strictione pupillæ majorem aut minorem radiorum quantitatem admittentis.

Quæritur cur duplex objectum non videmus, quandoquidem duobus organis distinctis sumus præditi quorum beneficio efformatur objecti imago.

Hoc fit quòd oculorum axes idem puncto accuratè respondent, nervus enim opticus, ut jam dixi, in centro oculi non est situs, sed aliquantenus naso proximior.


Recens nati imperfectè vident vel nullo modo vident. Hoc rugositati corneæ, sufficientis quantitatis humoris aquei vitio productæ, ut ad debitum punctum tenderetur, attribuendum est.

Hæc de visione, dicta sufficiant.

F I N I S.

*QUÆSTIONIBUS PHYSIOLOGICIS RESPONDERE
CONABITUR.*

ERRATA emendabit Lector benevolus.



ARGUMENTABUNTUR

R.R. D.D. PROFESSORES REGII

R. D. JOANNES-FRANCISCUS IMBERT,
Cancellarius & Judex.

R. D. HENRICUS HAGUENOT, *Decanus.*

R. D. FRANCISCUS DE SAUVAGES.

R. D. FRANCISCUS DE LAMURE. *author*

R. D. GABRIEL-FRANCISCUS VENEL.

R. D. CAROLUS LE ROY.

R. D. PAULUS-JOSEPHUS BARTHÉS.

De inflammationis theoria - D. L.
De Sanguine.
~~De Odore~~
Etiologiae medicae D. L.
De Scorbuto.

ob. lett. de est^m videremur esse
pathologia D. L. laennec
therapeutica D. L. laennec
memoire de la coqueluche
lettres sur la manie
de sensib. extens. D. L.

